



**KOMMUNALBESTYRELSIP
IMMIKKUT ITTUMIK ATAATSIMIINNERA
SISAMANNORNEQ ULLOQ 31. MARTS 2022 NAL. 09:00**

Peqataasut: Palle Jerimiassen (AT), borgmesteri
Sakio Fleischer (S), borgmesterip tulliaata aappaa
Aqqalu Clasen Jerimiassen (A)
Knud Kleemann (A)
Minik Høegh-Dam (AT)
Lena Ravn Davidsen (D)
Bendt B. Kristiansen (IA)
Niels Davidsen (IA)
Regine N. Bidstrup (IA)
Anthon Frederiksen (N)
Jens Napâtok' (N)
Ane Qujaukitsoq (S)
Elisabeth Nielsen (S)
Jakob Petersen (S)
Jens Kristian Therkelsen (S)
Jørgen Kruse (S)
Margrethe Christensen (S)

Pisortaq: Dorthe L. Mathiesen
Imaqarniliortoq: Dorthe L. Mathiesen, Aningaasaqarnermut pisortaq
Immikkut aggersakkat: Pisortaqatigiit
Oqalutsit:
Ataatsimeeriaaseq: Telefonikkut

KOM	QULEQUTAQ	BILAG
ORI	Ilisimatitsissutit	~
22-001	Akissut: Sanaartungassanut kissaatit sanaartungassanut allattorsimaffimmut ikkunneqarput	001
22-002	Thulefondip siulersuisuinut ilaasortassanik toqqaanissamut siunnersuut	002
22-003	Akissut: Neqitsersuivinnik pilersitsinissamut siunnersuut	003
22-004	Takornariaqarnermut Ataatsimiititaliamik pilersitsinissamut siunnersuut	004
22-005	Arsarnersiorfiup aningaasalersornissaanut qularnaveeqqusiineq	005
22-006	Siunnersuutit suliarineqarneranut killiffik	006
22-007	Meeqqat misiliutaasut Avannaata Kommuniiani misingisaqartinnissaat	007
22-008	IT-qarnermut sillimaniarneq pillugu politikki	008
22-009	Kukkunersuisunik suleqateqarnermut isumaqatigiissummut nalunaarut	009
22-010	Immikkut ittumik isertit, KANUKOKA-p atorunnaarnerani	010
22-011	Sullinneqarnermut isumaqatigiissut, Avanna Development	011
22-012	2022-mi asfaltilersuutip angallattakap atornissaa	012
	Matogqasut:	
22-013	Sulisumut suliap ingerlanneqarneranut kommunaldirektørip nalunaarusiaa	013

Aaliangiineq:

Oqaluuserisassaq imm. 22-006 oqaluuserisassani kukkuneqarmat peerneqassasoq aaliangiunneqarpoq.

Sakio Fleischer (S) oqaluuserisassani imm. 22-008-mi attuumassuteqarpallaarnini peqqutigalugu aaliangeeqataanermi peqataassanngilaq.

Iisimatitsissut:**Nunaqarfimmi allaffimmiut politikikkut sullissinissamut pikkorissarneqarnissaat**

Nunaqarfimmi siulersuisut nunaqarfimmi allaffimmiut sullinneqarnerat ingerlasarpoq, kisianni sulisut annerusumik siulersuisunut sullissinissaminni pikkorissarneqarnej ajorput. Taamaattumik allattoqarfimmi sulisullu tungaanniit pingaartinneqarpoq ukiormanna sapinngisamik nunaqarfimmi siulersuisunut sullissisut pikkorissartinneqarnissaat, suliaq allattoqarfimmi pisortap HR-imi immikkoortortaqarfik suleqatingalungu pikkorissarnissap piviusunngortinneqarnissaa ataqatingiissaarlungu suliaralungu aallartippaat.

Naatsorsuutit ukiumoortoq suliarineqarnissaanut pilersaarutip allanngortinneqarnera

Missingersuuserisarnermut naatsorsuuserisarnermullu inatsit allanngortinneqarpoq januaarip aallaqqaataani 2022-mi atuutilersumi. Tassanilu piunasaqaatitaqarpoq Kommunit kukkunersiuuisuiniik ukiumoortut naatsorsuutit kukkunersiorneranik nalunaarummik oqaaseqaatinillu imaqaasasoq. Taamaattorli nalunaarut atuuttoq 2012-meersoq imaqartoq ukiumi tulliuuttumi naatsorsuutitinnik Kommunalbestyrelsi naammassiissasoq april naatinnagu tulluukkunnaarsimavoq. Inatsisilli nutaap atuutilernerani Kommunit Namminersorlutillu Oqartussat akornanni oqallisigineqarpoq piviusorsioruunnginneranik inerniliinermi, Namminersorlutillu Oqartussanit nalunaarutigineqarpoq nutaamik nalunaarusiamik suliaqartoqalersoq. Taassumap ilutigaa kukkunersiuuisut nalunaarutaannik oqaaseqaataannillu ukiumoortut naatsorsuutit imaqartussa qkioq manna immikkut Kommunit pilersaarusiortariaqaleranannik kinguneqarpoq. Ukioq kingulleq Kommunalbestyrelsip akuerisaa ukioq mannamut ukiumoortut naatsorsuutitinnik suliaqarnissamik ullorsiuutini allannguisussanngorpoq.

Kukkunersiuuisut isumaqatigalugit Junimi utaqqiisaagallartumik naatsorsuutitinnik killiffigigallagaannik Kommunalbestyrelsimut tunniussissalluni allattoqarfik pilersaarusiorpoq. Inaarutaasumillu kukkunersiuuisut nalunaarutaannik oqaaseqaataannillu imaqartumik septemberimi Kommunalbestyrelsimut tunniussissalluni allattoqarfik siunniussivoq, tamannalu Aningaasaqarnermut pisortaqarfik isumaqatigalugu inissinneqarpoq.

Bilag ORI-01 Mailikkut Aningaasaqarnermut pisortaqarfimmiik akueralugu uppernarsaanera.

Bilag ORI-02 Inatsisit missingersuutilerisarnermut naatsorsuuserisarnermullu §42 imm. 1 malillugu

Borgmesterip suliassai

Ukiup ingerlanerani borgmesterip suliassaasa ilai ugguuna ersarissarneqarput, taamaasiornermi takutinneqassooq sulineq pilersaarutit malillungit ingerlanneqartoq.

Marts

Inatsisartut Aningaasaqarnermut Ataatsimiititaliaa ataatsimeeqatingivaa.

PET-ip kursuseritsineranut peqataaneq.

Avannaa Developmentimi siulersuisui ataatsimiipput.

Sisimiuni 19-aniit 22-anut air greenlandip siulersuinut arsarnersiorfik pillungu saqqummiineq,

pilersinneqartussap aningaasassarsiorneranut pilerisaarutaanissaanullu attuumavoq.

Ministeriuneq Naalackersuisut siulittaasuat tikeraartut ilangivai.

Mittarfissarsuaq illoqarfiullu allilerneqarnissaa pillungu innuttaasunut 23-ani ataatsimiititsineq, Kalaallit

Airport peqatingalungu.

Aningaasaqarnermut Naalackersuisoq, Naaja Nathanielsen (IA) ataatsimeeqatingivaa.

April

NAKUUSA ataatsimiinneranut peqataaneq.

Meeqqanut, Inuusuttunut Ilaqutariinnullu Naalackersuisoq, Paneeraq Olsen (N) ataatsimeeqatingissuaa.

Maj

Mittarfissuup atulernissaanut tassanilu pisariaqartitat pillungit Nuummi isumasioqatingiinneq, kommunip aaqqissuussaa.

Future Greenland.

Mittarfissuup atulernissaanut tassanilu pisariaqartitat pillungit Katuami isumasioqatingiinneq, GE

aaqqissuussaa.

Kullorsuarmi meeqqanut inuusuttunullu illu

Kullorsuarmi illuliassaq A.P møllerfond-ip aningaasalerniarunnaarlugu aaliangersimavoq. Allani aningaasaliiffeqarniarlutik aaliangersimapput. Kommuni Namminersorlutillu oqartussat sanaartugassamut aningaasaliissutinik immikkoortitsisimapput, aaliangiinerlu isumaqarpoq allanut aningaasaateqarfinnut kommuni qinnuteqartariaqassasoq sanaartorneq ukioq manna iluatsinniassappat. Teknikkeqarfik suliffeqarfik ProGreenland ikioqatigalugu aningaasaateqarfiit allat aningaasaliissaminut soqutiginninersut misissuivoq. Paasisaqarnerulerutta politikikkut qaqqeqqinneqarumaarpoq.

Politikkikkut piffissami aggersumi isumasioqatingiinnissat

Pingasunngorneq ulloq 27. april

Sanaartornermi aningaasaliissutinik agguaasseriaaseq pillungu isumasioqatingiisitsineq Ilulissani ingerlanneqassooq. Kommunalbestyrelsimi ilaasortanut aqqissuussaq.

Sisamangorneq ulloq 28. april

Kommuneqarnek aamma politikikkut ingerlatsinerup allaffissornerullu imminnut sunniivigeqatigiinerat. Qaningisariippallaarneq imaluunnit suliamut attuumassuteqarpallaarneq nipangersimasussaataanerlu pillungit pikkorissarneq Namminersorlutik Oqartussaq aqqissuussaat. Kommunalbestyrelsimi ilaasortanut aqqissuussaq.

Tallimangorneq 29. april

Kommunalbestyrelsi ileqquusumik ataatsimiisooq.

Arfiningorneq, sapaat ataasinngornerlu 30. aprilimit 2. majimut

Pikkorissarnissami pingaarnertut siunertaavoq kommunalbestyrelsimi ilaasortat isumaginninnermi inatsisilianut tunngatillugu akisussaaffigisaminnik aamma pisussaaffigisaminnik paasisaqarluarnissaat, kiisalu suliffeqarnermut atatillugu malittarisassani pingaarnerni paasisaqarnissaat. Kommunalbestyrelsimi ilaasortanut nunaqarfinnilu siulersuisuni siulittaasunut aqqissuussaq.

Marlungorneq, pingasunngorneq sisamangornerlu 3. – 5. Maj

Nunaqarfinni siulersuisut isumasioqatingiisinneqassapput pikkorissarneqarlutillu.

Nunaqarfinni siulersuisut, Tamat Oqartussaaqataanerannut Nunaqarfinnullu Ineriartortitsineranut Ataatsimiititaliami ilaasortanut aqqissuussaq.

Aaliangiineq:

Iisimatitsissutit taamak isikkoqartillugit tusaatissatut akuerineqarput.

Sag nr.	Sammasaq	Bilag nr.	001
KOM 22-001	Akissut: Sanaartungassanut kissaatit sanaartungassanut allattorsimaffimmut ikkunneqarput	Journal nr.	

Uteqqiineq:

Kommunalbestyrelsimi ilaasortat piffissap ingerlanerani assingiinnittunik suliniutinik siunnersuuteqarsinnaapput, ukiup ingerlanerani sanaartugassanut kissaatit amerlasuut takkuttarput. Ukiup naanerani missingersuutit akuerineqaraangata sanaartungassat piviusunngortinneqartussat aaliangiiffingineqartarput, kissaatit sinneri sanaartungassat allattorsimaffianut ilineqartarput. Missingersuutit suliareqqinnerini allattorsimaffik qissiminneqartarpoq, uanilu kissaatit aningaasalerneqartussat oqallisingineqartarput.

Uani suliami ilaasortanit sanaartungassanut kissaatit allattorsimaffimmut ilineqarnissaat aaliangiiffingineqassooq.

Suliap saqqummiunera:

Kommunalbestyrelsimi ilaasortat siunnersuuteqarput sanaartungassanik assingiinnittunik pilersitsisoqassasoq, siunnersuutillu ukuupput:

Elisabeth Nielsen (S)

Qaarsuniit Innaarsussuup timaatigut Qaarsuarsunni mittarfiup tungaanut aqquteqalernissaanut periarfissiisumik ikaartarfiliortoqarnissaanik siunnersuut.

Uummannami kommunip talittarfiani tummeqqanik ulinguttakkanik sanasoqarnissaanik siunnersuut.

Knud Kleemann (A)

Kangersuatsiami illu sullivimmik sanasoqarnissaanik siunnersuut.

Niels Davidsen (IA)

Ilulissani umiatsianut puttasut amerlinissaanik siunnersuut.

Ane Qujaukitsoq (S)

Qaanaami aqquserngup inunnut ulorianartup asfalterneqarnissaanut imaluunnit iliuseqarfiginissaanut oqaluuserisassatut siunnersuut.

Palle Jerimiassen (AT)

Innaarsunni, Naajaani Aappilattumilu ataatsimoorussamik nunaqarfinni aqutsisut, Aappilattumi Multihus-i pillugu suliap ingerlanneqarnissaanut kaammattuutaat

Margrethe Christensen (S)

Tasiusami utoqqaat amerlasuut, pisoqalisimasunik qiianarlutik ullutsinnut naleqqutinngittunik kiassaateqartunik namminneq pigisaminnik angerlarsimaffeqarput. Pineqartut amerlanersaasa qanigisatik nunaqqatigalugit utoqqalinissatik kissaatigivaat. Taamaattumik utoqqaat tulluurtunik inissianik najugaqatigiiffissaanik sanasoqarnissaamut misissuisoqarnissaa siunnersuutigivaa.

Iluarsiiinissamut siunnersuut – sammisanut tunngatillugu nalilersuineq

Ukiormannamut sanaartungassanut aningaasaliissutit tamarmik illikartinneqareerput, taamaattumillu sanaartungassat avataatingut pilersitsinissaq ajornakusoorluni. Taamaattumik allattoqarfimmiit inassutingaarput qulaani sanaartungassat ukiup tullissaanimut sanaartungassanut kissaatinut ilanngunneqassasut.

Ingerlariaqqinnissaq

Aappaangussamut missingersuutit siullermik sammineqalerpata qulaani kissaatit kommunalbestyrelsimut saqqummiunneqarumaarput, uani tulleriissaarinermi qularnanngilaq suliaasat ilanngunneqarnissaat oqallisingineqarumaartoq.

Aningaasaqarnermi kingunerisinnaasat:

Sanaartungassat ataasiakkaarlutik naleqarput, sanaartungassanullu tulleriissaarinermut ilanngunneqarunik missingerlungit nalingi nalunaarsorneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsimiititaliamut inassutingaa
Qulaani sanaartungassat taakkartorneqartut aappaangussamut sanaartukkat allattorsimaffiannut
ilanngunneqassasut ataatsimiititaliap akuerissangaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Soqanngilaq

Aaliangiineq:

Inassutigineqartoq akuerineqanngilaq, Suleqatigiinni Borgmesteriutitaqartut, suleriuseq naapertorlugu ataatsimiititaliani susasaqartuni sukumiisumik suliarineqassasut aaliangerpaat. Illuatungiliuttut attaviitsoq Minik H. Dam peqatigalugu inassutigineqartoq akuerivaat.

Sag nr.	Sammisag	Bilag nr.	002
KOM 22-002	Thulefondip siulersuisuinit ilaasortassanik toqqaanissamut siunnersuut	Journal nr.	

Uteqqiineq:

Avanersuarimi aningaasaateqarfeqarpoq, Thulefondi. Aningaasaateqarfiup malittarisassai nutarteqqammerput pisorta qarfinnilu assingiingittuni akuerineqaqqammerlutik. Tamatumalu kingorna aningaasaateqarfiup sulinera aallartittussaavoq, tamannalu pitinnangu aningaasaateqarfik siulersuisoqalertussaavoq. Uani suliami kommunalbestyrelsip Thulefondimi siulersuisuni ilaasortassatut inassutaasut akueriniarnerlungit aaliangertussaavaa.

Suliap saqqummiunnera:

Kommunalbestyrelsip Thulefondimi malittarisassatut siunnersuutit akuersissutinginikuuvai, tamatuma kingorna Danmarkimi malittarisassat Civilstyrelsimut nalunaarutingineqarnikuupput. Uanilu immikkut malunginiangaqartoqanngilaq, aamma taamatut Namminersorlutik Oqartussani. Thulefondimi malittarisassat pisorta qarfiit qulaani taaneqartut aqqusaareerlungit akuerineqartutut oqaatingineqarsinnaalerput. Ingerlaqqinnissami siulersuisunut ilaasortassat kommunalbestyrelsimiit toqqaarneqassapput.

Iluarsiinissamut siunnersuut – sammisanut tunngatillugu nalilersuineq

Thulefondi arfineq marlunnik siulersuisoqarpoq, taakkualu qiningaaffimmi atuuffeqartarput. Ilaasortallu malittarisassani ima allaqqapput:

- Avannaata Kommuniani borgmesteri
- Avanersuarimi kommunalbestyrelsimi ilaasortat najungallit
- Kommunaldirektøri

Qaanaami kommunalbestyrelsimi Ane Qujaukitsoq (S) ilaasortaavoq, allanillu kommunalbestyrelsimi ilaasorta qanngilaq. Taamaattumik inassutaavoq nunaqarfinni aqutsisut ukua ilaasortaassatut:

- Hans Karlsen (S), Savissivik
- Nukappianguaq Jerimiassen (A), Qeqertat
- Patdloq Hendriksen (A), Siorapaluk

Taakkartorneqartut avataatingut ileqqusimavoq Inuussutissarsiornermut Ataatsimiititaliami siulittaasooq siulersuisuni ilaasarnera, tamannalu aamma uani inassutaavoq. Thulefondimut Qaanaami allaffimmi pisorta q allattaavoq.

Ingerlariaqqinnissaq

Qulequtaq akuerineqaruni Thulefondi ataatsimiissinnaalissooq, ataatsimiinnermilu siullermi siulittaasumik toqqaasoqassooq.

Aningaasaqarnermi kingunerisinnaasat:

Kommunip karsianut toqqaannartumik sunniuteqassanngilaq.

Inatsisitigut tunngavigisat aamma toqqammavissiisutut allagaatit:

- Aningaasaateqarfiit aamma peqatigiiffiit ilaat pillugit inatsimmi, peqqussutikkut nr. 917, 15. december 1998-meersukkut Kalaallit Nunaannut
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsimiititaliamut inassutingaa
Ilaasortassatut inassutaasut ataatsimiititaliap akuerissangai*

Aaliangerneq:
Inassuttigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilangussat:

Bilag 002-01: Thulefondip malittarisassai

Aaliangiineq:

Inassuttigineqartoq akuerineqarpoq.

Sag nr.	Sammissaq	Bilag nr.	003
KOM 22-003	Akissut: Neqitsersuivinnik pilersitsinissamut siunnersuut	Journal nr.	

Uteqqiineq:

Kommunalbestyrelsimi ilaasortat siunnersuuteqarput sumiiffinni ataasiakkaani aalisartut sannaviinik imaluunnit neqitsersuivissaannik pilersitsisoqassasoq. Allattoqarfimmi suliasaq ingerlanneqarpoq, inuussutissarsiortullu assingiimmik pineqarnissaat qulakkeerumallungu inatsisileritooq misissuitinneqarpoq. Uani suliami kommunalbestyrelsi ilisimatinneqarpoq siunnersuutit piviusunngortinneqarsinnaanngittut inatsisitingut sinaakkutat peqqutingalungit.

Suliap saqqummiunera:

Kommunalbestyrelsimi ilaasortat Jørgen Kruse (S), Niels Davidsen (IA) siunnersuuteqarnikuupput aalisartunut sannavissaannik imaluunnit aqqissuisarfimmi pilersitsisoqassasoq. Kommunalbestyrelsimi ilaasortaq Minik Høegh-Dam (AT) siunnersuuteqarpoq Ilulissani neqitsersuisarfimmi pilersitsissasoq.

Iluarsiinissamut siunnersuut – sammisanut tunngatillugu nalilersuineq

Siunnersuutit pilersinneqarsinnaaneratt pillungu inatsisilerituumut Allattoqarfimmiit misissuititsisoqarpoq. Suliami inatsisit marluk toqqammaviusut malinneqarput, ukuusut:

- Inuussutissarsiutigalugu aalisartut, inuussutissarsiutigalugu piniartut inuussutissarsiutigalugu nunalerinermik ingerlataqartut aallarteqqinnissamut tapiiffingineqartarnerat pillugu inatsisartut inatsisaat
- Aalisarnermik piniarnermillu inuussutissarsiutillit inuussutissarsiorterannik siuarsaneq pillugu Inatsisartut inatsisaat

Inatsisit taaneqartut periarfissinngillat inuussutissarsiutit ataasiakkaat assersuutingalungu neqitsersuivinnik pilersitsinnaanermut tapiiffingineqarsinnaaneratt. Taamatut inuussutissarsiutit ataasiakkaanut tapiisoqartussaattillungu kommunip susassaqrifiini (kommunalfuldmagten) periarfissat takuneqassapput.

Allattungaatinu periutsinilu takuneqarsinnaavoq kommune toqqaannartumik inatsisinik toqqammaveqanngikkaluarluni inunnik ataasiakkaanik imaluunnit eqimattakkaanik tapiissinnaasoq, kisianni uani aningaasatingut suliniutit killeqassapput imaluunnit inunnik isumanginninnerup iluani periarfissatut killililunneqarsimasutut taakkartorneqartut malinneqarpata aattaat tapiisoqarsinnaavoq. Taamatullu pisoqassanguni kommunip soqutingisai inatsisit naapertorlungit ingerlanneqassapput.

Assersuutingalungu kommunip soqutingisaraa aqquserngit, attaveqaatit talittarfiillu inerisassallungit. Susassaqrifiit inuiaqatingiinni tamanit atornerattut. Taamaattumik krani talittarfimmi assersuutingalungu pilersinneqarsinnaavoq.

Allattungaatinu periutsinilu naqissuserneqarpoq kommunip inuussutissarsuit ataaseq kisiat ingerlanissaa qulakkeerumallungu tapersinnaanngikkaa imaluunnit tapiissuteqarfingisinnaanngikkaa. Uani kikkut tamarmik assingiimmik pineqarnissaat toqqammaviummat inunnut imaluunnit eqimattanut aaliangersimasunut tapiisoqarsinnaanngilaq.

Ingerlariaqqinnissaq

Allattoqarfimmiit nalilerparput aalisartut sannavi imaluunniit neqitsersuiviit kommunip susassaqrifiata avataaniittut taamaattumillu pilersinneqarsinnaanngittut imaluunniit taperneqarsinnaanngittut, kisianni taakkua sumiiffinni ingerlanneqarsinnaapput suliffissuarnik imaluunniit peqatingiiffinnik akisussaaffingineqarlutik. Uani aamma eqqarsaatingequneqarpoq inuussutissarsiortut assingiimmik pineqarnissaat.

Aningaasaqarnermi kingunerisinnaasat:

Kommunip karsianut toqqaannartumik kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Inuussutissarsiutigalugu aalisartut, inuussutissarsiutigalugu piniartut inuussutissarsiutigalugu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21.maj 2004-meersoq
- Aalisarnermik piniarnermillu inuussutissarsiutillit inuussutissarsiorterannik siuarsaaneq pillugu Inatsisartut inatsisissaattut nr. 13, 3. december 2012-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa
Ilisimatitsissut tusaatissatut tinguneqassasoq*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 003-01: Inatsisilerituup suliamut atatillungu misissuina

Aaliangiineq:

Inassutigineqartoq akuerineqanngilaq. Allatigut periarfissarsiuunneqarluni allaffissornikkut misissorneqassasoq inassutigineqarpoq.

Sag nr.	Sammissaq	Bilag nr.	004
KOM 22-004	Takornariaqarnermut Ataatsimiititaliamik pilersitsinissamut siunnersuut	Journal nr.	

Uteqqiineq:

Kommunalbestyrelsimi ilaasortaq siunnersuuteqarpoq Takornariaqarnermut Ataatsimiititaliamik pilersitsisoqassasoq. Siunnersuummut toqqammavilersuutingineqarpoq avannaani takornariaqarnerup iluani ataqatingiittumk inerisaanissaq, siunissami assersuutingalungu mittarfissuaq naammassippat annertuumik takornarianik siammarterinissaq tassuunakkullu kommuni tamaat takornariat iluaqutaanissaat qulakkeerneqassammat.

Uani suliami kommunalbestyrelsip isummerfingissavaa aqutsinermi ileqqoreqqusaq allangortinneqassanersoq Takornariaqarnermut Ataatsimiititaliamik pilersitsisoqarnissaa siunertaralungu.

Suliap saqqummiunnera:

Kommunalbestyrelsimi ilaasortaq Minik Høegh-Dam (AT) siunnersuuteqarpoq Takornariaqarnermut Ataatsimiititaliamik pilersitsisoqassasoq, imatullu toqqammavilersuuteqarpoq.

“Corona eqqaassanngikkaanni Kommunerpup tikerarluarneqartarpoq. Assersuutigalugu Ilulissat maanna tallimanik Hotel-iusunik akunnittarfeqalernikuuvoq, allanillu akunnittarfittut atorneqartut amerlingaatsinarnikuullutik, inuinnaallu massa akunnitsitsisarlutik. Mittarfissuartaarnerullu kingunerisaanik takornariaqarnerup annertusinissaa avaqunneqarsinnaanngimmat piareersarnerit toqqaannarnerusut piaartumik ingerlanneqartariaqalerput.

Maannami Takornariaqarnermut Ataatsimiititaliorneq Avannaata Kommuniani takornariaqarneq siammartilluarumallugu tulluurtunngorsimavoq. Inuussutissarsiornermut Ataatsimiititaliaaniiginnarani, soorlumi immikkut Aalisarnermut Piniarnermullu Ataatsimiititaliaqarneq ilutigalugu, immikkut aamma Takornariaqarnermut Ataatsimiititaliamik pilersitsisariaqalerpugut.

Avannaata Kommunian isorartoqaaq. Immikkut takornarialerineq tamanut ineriartortinnissaanik qinikkatut aallunnerusumik suliaqalertariaqarpugut, ingammik Mittarfissuartaarnissaq Nunattalu ilisimaneqaleraluttuinnarnera ilutigalugu”.

Iluarsiinissamut siunnersuut – sammisanut tunngatillugu nalilersuineq

Ataatsimiititaliat amerlanerulissappata aqutsinermut ileqqoreqqusat allangortinneqartussaavoq.

Nalinginnaasumik kommunalbestyrelsip ivertinneqarnerani imaluunni kommunalbestyrelsimi partiit suleqatingiit allangoraangata aqutsinermut ileqqoreqqusaq allangorneqartarpoq, kisianni kommunalbestyrelsimi ilaasortap siunnersuutaa oqaluuserineqartussaavoq.

Kommunalbestyrelsimi amerlanerussuteqartut aaliangerpata aqutsinermi ileqqoreqqusaq allangortinneqassasoq sulineq aallartinneqassooq.

Allattoqarfimmi paasinnippugut partiit borgmesteriutitaqartut amerlanerussuteqarlutik aqutsinermi ileqqoreqqusap allangortinneqannginnissaanut sulissuteqartut, partiit borgmesteriutitaqartut ullumikkut aqutsinermi ileqqoreqqusap ilusaa ukioq kingulleq maajimi ilusilersornikuuvaat.

Ingerlariaqqinnissaq

Ataatsimiititaliami amerlanerussuteqartut aaliangerpata aqutsinermi ileqqoreqqusaq allangortinneqassasoq punkti kommunalbestyrelsimut ingerlateqqinneqassooq. Illuatungaani itingartinneqaruni suliaq unitsinneqassooq.

Aningaasaqarnermi kingunerisinnaasat:

Aningaasatingut kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut ataatsimiititaliaq
Kommunalbstyrelse

Aningaasaqarnermut Ataatsimiititaliap aaliangernera:

*Ataatsimiititaliami Siulittaasup Aningaasaqarnermut Ataatsimiititaliami inassutingaa
Partiit borgmesteriutitaqartut aqutsinermi ileqqoreqqusaq akuerinikuusaat ullumikkullu atuuttoq
ataatsimiititaliap atuutiinnassasoq naqissusissangaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilannussat:

Soqanngilaq.

Aaliangiineq:

Inassutigineqartoq akuerineqarpoq.

Sag nr.	Sammissaq	Bilag nr.	005
KOM 22-005	Arsarnersiorfiup aningaasalersornissaanut qularnaveeqqusineq	Journal nr.	

Uteqqiineq:

Arsarnersiorfiup pilersinnissaanut aningaasaateqarfinnut aningaasaliissarsiornermut atatillungu kommuni piuraffingineqarpoq suliap tatinginassusaa piviusunnorsinnaaneralu qulakkeerniarlungit aningaasaliissutit amingassappata aningaasalersueqataassinnaassasoq.

Uani suliami kommunalbestyrelsip aaliangiiffingissavaa aningaasaleeqataassinnaaneq aningaasaateqarfinni aningaasat siunertamut tamakkiisumik pissarsiarineqanngippata.

Suliat saqqummiunnera:

2017-imi DTU Space Ilulissaniippoq arsarnernut ilisimasani katersuivimmik pilersitsinissaminut suleqatissarsiorluni. Kommuni suliamut soqutinginnippoq isumaqatingiissuteqarlunilu, tamannalu isumaqarpoq kommuni pilersaarusiornermut titartaatitsinermullu aningaasartuutit ingerlatissangai, DTU Space-illu aningaasassarsiornerit isumangissangai.

Ukiut tallimat suliat aallartinneraniit ingerlareerput. Killiffillu uaniippoq aningaasaateqarfiit marluk suliamut tapiissuteqareerlutik. Taakkua avataatingut aningaasaateqarfik annertungaatsiartumik tapiinissaminut soqutinginnilluni nalunaaruteqarpoq, kisianni suliamut tapiissanguni piurasaqaateqarpoq. Uani kissaatingineqarpoq pilersaarut ukiorpassuunngittut ingerlaneranni piviusunnngortinneqassasoq. Imaassanngilaq ukiut qulit qaangiuppata suliat aningaasassarsiorneq ingerlanneqarluni.

Iluarsiinissamut siunnersuut – sammisanut tunngatillugu nalilersuineq

Kommuni suliamut annertuumik soqutinginnippoq kissaatingalungulu piviusunnngortinneqassasoq. Suliat tamakkiisumik imaluunnit annertunersaa aningaasaateqarfinniit kommunip kissaatingaa aningaasalersorneqassasoq.

Kangiata Illorsuata piviusunnngortinnissaanut kommuni aningaasalersueqataanikuuvoq, uanilu suliami arsarnersiorfiup pilersinnissaanut taama aqqiinnisaaq isikkoqarsinnaavoq. Suliat piviusunnngortinneqarsinnaanera kommunip tungaaniit taama aqqiinnikkut qulakkeerneqassooq tassuunakkullu suliat tatinginassuseqarluni. Tingussaasumik ima isumaqarpoq kommunip aningaasaliissutit naggataangut amingataasut suliat iluatsissappat matussusissangai.

Ingerlariaqqinnisaaq

Oqaatingineqareersut DTU Space aningaasassarsiornerit ingerlappaat. Pilersaarummut suleqatingiisitaq borgmesterip sulisullu marluk DTU Space-imiit peqataaffingisaat kommunalbestyrelsimut suliami killiffik pillungu ataavartumik nalunaaruteqartassapput. Pilersaarummut suleqatingiisitap nalilersussavaa qaqungu aningaasassarsiorneq unitsinneqassanersoq.

Aningaasaqarnermi kingunerisinnaasat:

Massakkumut ukua aningaasaateqarfiit suliat tapersernikuuvaat:

- Augustinus Fonden tapiissuteqarpoq kr. 2.5 mio.
- Knud Højgaards Fond tapiissuteqarpoq kr. 2.0 mio.

Aningaasateqarfik una annertuumik tapiinissaminut soqutinginnippoq, kisianni qulakkeerumavaa pilersaarut tatinginassuseqartoq:

- Nordea Fonden taperumavai ilisimasanik saqqummersitsinermullu arsarnersiorfimmi attuumasut, ilimanakannersumik kr. 14.0 mio. aningaasartuutaasussat tamaasa

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa:
Kommunip tungaaniit suliap qulakkeerlungu naammassineqarnissaa uanilu
aningaasalersueqataaratarsinnaaneq ataatsimiititaliap tapersissangaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilannugussaq:

Bilag 005-01: DTU Space-imiit suliaq pillungu allakkat

Aaliangiineq:

Inassutigineqartoq akuerineqarpoq.

Sag nr.	Sammisag	Bilag nr.	007
KOM 22-007	Meeqqat misiliutaasut Avannaata Kommuniani misingisaqartinnissaat	Journal nr.	

Uteqqiineq:

Meeraallutik misiliutigineqartut Danmarkimiit utoqqatserfingineqarput taarsiiffingineqarlutillu. Avannaata kommuniata kissaatingaa ullumikkut sulii inuusut Ilulissani misingisassarsiortinneqassasut, tassuunakkut misinginneqatinginninneq takutinneqassammata, aammattaaq qanilaassuseq ataatsimoornerlu kommunip naleqartitai ersersinneqassammata.

Uani suliami kommunalbestyrelsip aaliangiiffingissavaa meeqqat misiliutingneqarsimasut Ilulissanut misingisassarsiortlutik periarfissinneqarnissaat.

Suliap saqqummiunera:

Meeraallutik misiliutigineqartut, meeqqat 22-it misiliutaasussatut 1951-imi Kalaallit Nunaanniit Danmarkimut nassiunneqarput. Meeqqat taakkua misileraanermi pingaarnertut inissisimapput, taamani meeqqat qallunaangorsarneqarput maligassatut Kalaallit Nunaannut utersinnaaqullugit. Taakkuali angerlaramik kalaallisut oqalussinnaanngillat ilaqtutaminnilu najugaqaqqusaanatik. Meeqqallu taamani Nuummi børnehjemmimi inissinneqarlutik.

Meeqqat 22-it sinneri arfinillit ullumi sulii inuupput. Taakkua 80-it missaanni ukioqarput.

Iluarsiinissamut siunnersuut – sammisanut tunngatillugu nalilersuineq

2020-mi danskit ministeriunerat Mette Frederiksen Danmark sinnerlugu siullerpaamik meeqqanut misigutigineqartunut pisortatigoortumik utoqqatserpoq. Massakkullu pineqartunut sulii inuusunut arfinilinnut kr. 250.000-inik utoqqatserneq malitseqarpoq.

Taakkua avataatingut borgmesterip inassutingaa pineqartut sulii inuusut Avannaata Kommuniata Ilulissanut misingisassarsiornissaannut tikilluaqqussangai. Piumappatalu innuttaasunut Sermermiuni misingisimasaannik oqaluttuartillugit.

Taama isiornermi Avannaata Kommuniani suullertut misiginneqataaneq takutinneqassooq, kisianni aamma qanilaassuseq ataatsimoornerlu kommunip naleqartitai isersinneqassammata. Pineqartut ilaaqarsimapput Iluliarmiumik, allattoqarfimmiit ilisimangilarput paasissutissat ministeeriaqarfimmiit naapertorlungit Ilulissaniit misiliutaasimasut amerlassusaat.

Ingerlariaqqinnissaq

Ataatsimiititaliamit qulequtaq akuerineqaruni kommunalbestyrelsimut ingerlaqqisooq, inaarutaasumillu akuerineqaruni pineqartut attavingineqassapput Ilulissanut misingisassarsiornissaat siunertaralungu, aamma ajornanngippat innuttaasunut aaqqissuussinissat pilersaaruserneqassooq.

Aningaasaqarnermi kingunerisinnaasat:

Inuit arfinillit tikisinnissaat kr. 120.000,- missaani naleqartussatut allattoqarfimmiit nalilerparput. Uani aamma naattorsuutingineqassooq tamarmiullutik tikisinnaassanngimmata. Aningaasallu sinaakkutit iluani atornerqarnissaat naattorsuutingineqarpoq, aningaasartuutit tapiisarnermut ileqqoreqqusap iluaneqqissaanngikkaluartut, kisianni uani immikkut akuersinikkut ingerlanneqarnera naqissuserneqarpoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangerera:

Allattoqarfiup Aningaasaqarnermut Ataatsimiititaliamut inassutingaa
Meeqqat misiliutaasimasut ilulissanut misingisassarsiortinneqarnissaat ataatsimiititaliap akuerissangaa

Aaliangerneq:

Suleqatigiit Borgmesteriutitaqartut amerlanerussuteqarlutik inassuteqaatigineqartoq akuerivaat.
Illuatungiliuttut siunnersuutaasoq tunngaviatigut akuerinngilaat, kissaatigivaalli allakkatigut
pisortatigoortumik misiginneqatiginnissumik tunineqarnissaat.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilangussaq:

Soqanngilaq.

Aaliangiineq:

**Inassutigineqartoq suleqatigiinni Borgmesteriutitaqartuni amerlanerussuteqarlutik akuerivaat.
Illuatungiliuttuniit inassutigineqartoq akuerineqanngilaq.**

Sag nr.	Sammisag	Bilag nr.	008
KOM 22-008	IT-qarnermut sillimaniarneq pillugu politikki	Journal nr.	

Uteqqiineq:

Avannaata Kommuniani It-qarnermut sillimaniarnermut politikkaa qanganisangorsimavoq 2012-nissaalluni, taannalu ullutsinnut tulluukkunaarsimavoq IT-qarnerup ineriartornera ilutsigalugu. Uani kommunalbestyrelsip aaliangiiffigissavaa taamatut isikkoqartillugu atuutilernissaa.

Suliap saqqummiunnera:

Ukioq 2020-mi suliffeqarfimmik allammeersumik misissuititsivugut IT-qarnermut isumanaatsuunerata ullumikkut killiffianik.

Misissuititsinerullu takutippaa arlalinnik isumannaagassaqartugut IT-qarnitta illersorneqarnissaa isumannaarniarlugu, pingaartumillu avataaniit innarlerneqarsinnaanerput ingalassimatinniarlugu. Ullorlu manna tikillugu isumannaagassat assigiinngitsut ingerlanneqarput.

IT-qarnerullu illersorneqarluarnissaanik suliqarnitsinnut qaffasissumik malittassatsinnik taassumalu tulliuuttuunik sukumiisunik suliqarnissaq pisariaqarsimavoq, pingaartumillu IT-qarnermut nuna tamakkerlugu ataatsimoorussanik suliqartoqarnerani inissititerinermilu, taamatullu inunnut tunngassuteqartunik paasissutissat inatsimmut naapertuuttuunissaanik naammassinniarnermi IT-politikki 2021-meersoq naleqqukkunnaarsimalluni.

Uanilu qaffasissumik maleruagassaliornermi qulequttat ilanngunneqarput.

- IT-qarnerup atorneqarneranut sillimaniarnissamullu periuisissat (Strategi) maleruagassallu
- Timitalimmik isumannaatsuutitsineq
- Attaveqaatit ingerlanneqarneralu
- Attaveqaatinut isersinnaanerput ingerlatsineq
- PISOqartillugu sillimaniarneq
- Upalungaarsimanissamut ingerlatsineq

Iluarsiinissamut siunnersuut – sammisanut tunngatillugu nalilersuineq

Suliap ingerlanneqarnerani pisortaqatigiinnut saqqummiunneqarpoq akuerineqarlunilu, taamatuttaarlu siunnissami tikkuussilluni It-qarneq pillugu suliarineqarsinnaangorlutik.

IT-politikki akuerineqarpat tulluuttuuneranik malernaaneq ingerlanneqalissaaq aammalu qulequttat tulliuuttu sukumiisut sanaartorneqalissapput (Delpolitiker).

Aningaasaqarnermi kingunerisinnaasat:

Missingersuutineereermat kinguneqassanngilaq aningaasatigut.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsimiititaliamut inassutingaa
IT-qarnermut sillimaniarneq pillugu politikki akuerissagaa
Immikkoortullu sukumiisut tullinnguuttut aallartinneqarnissaat akuerissagaa (Delpolitiker)*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussaq:

Bilag 008-01: IT-qarnermut sillimaniarneq pillugu politikki

Aaliangiineq:

Inassutigineqartoq akuerineqarpoq.

Sag nr.	Sammissaq	Bilag nr.	009
KOM 22-009	Kukkunersiuisunik suleqateqarnermut isumaqatigiisummut nalunaarut	Journal nr.	

Uteqqiineq:

Nalinginnaasarpoq Kommunalbestyrelsimut qinersisoqareernerani kukkunersiuinermi aammalu pisortaqarfinni ileqqorissaarnissaq pillugu Kommunalbestyrelse inatsisit tunngavigineqartut malillugit ilisimatinneqassalluni, pingaartumik Kommunalbestyrelsip aammalu kukkunersiuisut akornanni akisussaaffiit pillugit nalunaarutigissallugu.

Uani suliami Aningaasaqarnermut Ataatsimiititaliap sammisamut aaliangernera kommunalbestyrelsip ilalerniarnerlungu isummerfingissavaa.

Suliap saqqummiunnera:

Ukioq 2021-mi maj-mi Kommunalbestyrelse qinersereernerup kingorna ivertinneqarput, ilutsigalugulu Kommuunip kukkunersiuisui ersarissaallutik akisussaaffiit sumiinnerinik imaqartumik paasinninertik malillugu nalunaarusiortarput.

Uanilu taamatorpiaq nalunaarusiaq imaqarpoq inatsisit atuuttut tunngavigalugit ersarissaalluni Kommunalbestyrelsip akisussaaffiit aammalu kukkunersiuisut akisussaaffiit.

Pisortat ukiumoortumik naatsorsuutit suliarineqarnerat maleruagassallu malillugit ingerlanneqarnissaa akisussaaffigaat. Aningaasaqarnermullu Ataatsimiititaliap Kommunalbestyrelsimut saqqummiuttarpaa kukkunersiuisullu maleruagassat malillugit ingerlanneqarsimanersut nalunaarusiamik imaqartumik inaarutaasumik Kommunalbestyrelsip naammassissallugu.

Iluarsiinissamut siunnersuut – sammisanut tunngatillugu nalilersuineq

Kommunalbestyrelsip pingaaruteqarpoq akisussaaffii ersarissuunissaat naatsorsuutinik suliaqarnermini, uanilu kukkunersiuisut nalunaarutaat malillugu ingerlatsinissaq ersarissuunera allaaserineqarpoq.

Aningaasaqarnermi kingunerisinnaasat:

Aningaasatigut kinguneqassanngilaq

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa
Kukkunersiuisunik suleqateqarnermi akisussaaffiillu ersarissarnerani isumaqatigiisummut nalunaarut*

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalernerqassasoq

Ilannugussaq:

Bilag 009-01: Kukkunersiuisunik suleqateqarnissaq pillungu isumaqatingiissummut nalunaarut

Aaliangiineq:

Inassutigineqartoq tusaatissatut akuerineqarpoq.

Sag nr.	Sammissaq	Bilag nr.	010
KOM 22-010	Immikkut ittumik isertit, KANUKOKA-p atorunnaarnerani	Journal nr.	

Uteqqiineq:

Naluneqanngitsutuut Kommuunit kattuffiat KANOKUKA ingerlajunaarnikuuvoq, tassungalu atatillugu nalilittut pigisat illut marluk tunineqarput, Borgemsterillu sisamaasut ulloq 28. Januar 2022 ataatsimiinnerminni akuerivaat illut tuninerannut isertitat Kommuninut sisamaasunut agguanneqassasut. Uaniu kommunalbestyrelsip aaliangiiffigissavaa immikkut isertitatut nalunaarsorneqarnissaat.

Suliap saqqummiunnera:

Borgemsterip sisamaasut (AK, KQ, QK, KK) ulloq 28. januar 2022 ataatsimiinnerminni aaliangiuppaat Nuummi Qinngorpumi KANOKUKA-mit illuutigineqartut tunineqarnerani kr. 5.2 mio.-t isertinneqartut Kommuninut sisamaasunut inuttussuseq tunngavigalugu agguanneqassasut. Taamaasilluni Avannaata kommunianut kr. 1.7 mio.-nit tunniunneqarlutik.

Iluarsiinissamut siunnersuut – sammisanut tunngatillugu nalilersuineq

Immikkut ittumik isertinneqartut Aningaasaqarnermut Ataatsimiititaliap konto-taanut isertinneqassasut siunnersuutigineqarpoq, taamaasilluni inissaqartitsissalluni missingersuutitut inissinneqanngitsunut atoriataagassaasinnaasutut.

Aningaasaqarnermi kingunerisinnaasat:

Immikkut ittumik isertinneqartut karsimut iluaqutaassapput

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa
Aningaasaqarnermut Ataatsimiititaliap immikkut isertitatut akuerissagaa Aningaasaqarnermullu
Ataatsimiititaliap kontoqarfianut ikineqassasut*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilangussaq:

Bilag 010-01: Borgmesterit ataatsimiinneranni imaqarniliaq

Aaliangiineq:

Inassutigineqartoq akuerineqarpoq.

Suliap nr.	Sammissaq	Bilag nr.	011
KOM 22-011	Sullinneqarnermut isumaqatigiissut, Avannaa Development	Journal nr.	

Uteqqiineq:

Kommunip ineriartortitsinermit sullissivianit inissiat attartortinneqartarput. Tamatumunnga atatillugu suliffeqarfik kommunimit sullissinermit tapiissutinik pissarsisarpoq. Ineqarnermut immikkoortumi aalajangersimasumi akiliutaasussatut aalajangiussimasaq nalimmassarnejarsimavoq. Nalimmassaanerup tamatuma kinguneraa suliffeqarfiup nalilittut pigisaaminik appasinnerulernera.

Sammissami matumani kommunalbestyrelsimi aalajangiunneqassaaq sullissinermit tapiissutit qaffanneqassanersut, taamaaliornikkut siunissami aningaasaliisarnertit ingerlatiinnarneqarniassammata.

Suliap saqqummiunneqarnera:

Kommunip ineriartortitsinermit piginneqatigiiffianit Avannaa Development A/S-mit inissiat pigineqarput attartortinneqartarlutillu, piginneqatigiiffik aamma allanik suliaraqpoq. Tamatumunnga atatillugu piginneqatigiiffik piffissami matumani sullissinermit tapiissutinik qaammammut 200.000 kr.-nik pissarsisarpoq.

Immikkoortoq A32-mi ineqarnermut akiliutissap aalajangiunneqarsimanera nalimmassartariaqalersimavoq ineqarnermut akiliut naleqquttoq anguniarlugu. Nalimmassaaneq tamanna ima isumaqarpoq, suliffeqarfiup nalileneqarsimaneranut apparsaataalluni, taamaaliornikkullu aningaasaliiffissanut nutaanut periarfissat annikinnerulerlutik.

Aaqqiissutissatut siunnersuut – suliqarnermi nalilersuineq

Avannaa Development A/S Ilulissani eqqaanilu inissianik pigisaqarpoq attartortitsinermillu ingerlataqarluni. Tamatumunnga aamma atuuppoq A32-mi imersuup eqqaani inisiat nutaat arfineq pingasut. Inissianik attartortitsisarnermi namminersortut inissiat attartortitsisarnermut malittarisassat tunngavigineqarlutik. Avannaata Kommuniata aamma Avannaa Development-ip sullissinermit isumaqatigiissut sivitsortussaavaat. Siunnersuutigineqarpoq qaammammut akiliutip kr. 221.250,-nngorlugu annertusineqarnissaa. Tamatut annikitsumik qaffaanissamat tunngavilersuutigineqarpoq piginneqatigiiffiup maannakkutut kommunimut sullissinini ingerlatiinnarsinnaammagu nalileneqarsimaninilu attatiinnarsinnaallugu kiisalu ineqarnermut akiliutip tulluurtup attatiinnarneqarnissaa anguniarlugu.

Aningaasatigut kingunissaritinneqartut:

Tamanna ima isumaqarpoq, sullissinermit tapiissutit 21.250 kr.-mik qaammammut qaffanneqarnissaannik, ukiumut aningaasannngorlugu kr. 255.000,-niulluni.

Tamanna allattoqarfimiit siunnersuutigineqarpoq, taakkunungalugu matussutissaq KANOKUKA-p atorunnaarneranut atatillugu immikkut isertitassanik matussuserneqarnissaannik.

Inatsisitigut aamma allatigut tunngavissat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Sammissap suliareqarnera:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangerera:

*Allaffeqarfinmiit Aningaasaqarnermut Ataatsimiititaliamut inassutigineqarpoq:
Sullissinermut tapiliunneqartartut qaammammut kr. 21.250,- ilaneqarnissaat ataatsimiititaliamit
akuerineqassasoq
Aningaasartuutissallu taakkua KANOKUKA-p atorunnaarsinneqarneranit immikkut isertitanik
matussuserneqarnissaat*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Soqanngilaq

Aaliangiineq:

Inassutigineqartoq akuerineqarpoq.

Sag nr.	Pineqartog	Bilag. nr.	012
KOM 22-012	2022-mi asfaltilersuutip angallattakkap atornissaa	Journal nr.	

Uteqqiineq:

Politikkikkut ingerlatsisut kissaataat malillugu ataatsimiititaliami asfaltilersuutip angallattakkap inissinnissaa pillugu oqaluuserinninnissamat ingerlatsivik qinnuigineqarpoq. Taamaattumik 2022-mi asfaltilersuut angallattagaq atorlugu asfaltilersuinermit pilersaarummut ataatsimiititaliat isummeqquneqarput, taakkunanilu inassuteqaatit kommunalbestyrelsimut ingerlaqqippat inaarutaasumik aaliangiiffingisassanngorlugu.

Suliap saqqummiunnera:

Ataatsimiititaliami siullertut asfaltilersuutip angallattakkap inissinnissaa pillugu oqaluuserinneqqusinissamat ingerlatsivik qinnuigineqarsimavoq. Tamanna ukiumi asfaltilersuinerit, pingaarnertut Upernavimmi pisussat, asfaltilersuinermit koruunit 3 mio. immikkoortinneqarsimaffigisaat sioqqullugit pivoq. Ummannami asfaltilersuinermit ukiumit missingersuusiorfimmitt 2021-mit ukiumut missingersuusiorfimmitt 2022-mut koruunit 0,6 mio. nuunneqarput. Maannakkut Tului Nunaanni sanaartorneqartumik asfaltilersuummik angallattakkamik kommune inniminniisimavoq. Ingerlatsivik pilersaarutit malillugit aasap aallartinnerani pilersuutaassaaq, taannalu asfaltimik pitsaanerusumik sanaartugaqarsinnaavoq, aammalu Upernavimmi aamma Ummannami siusinnerusukkut atugaasimasumut asfaltimut naleqqiullugu akikinnerusumik.

Iluarsiinissamat siunnersuut – sammisanut tunngatillugu nalilersuineq

Manna tikillugu ukiormanna Upernavimmi koldasfaltimik (asfaltimik nillertumik) asfaltilersuisoqassasoq, aammalu asfaltilersuut angallattagaq annertunerusumik aatsaat 2023-mi kummuni aallartinneqassasoq pilersaarutaasimavoq. Taamaattumik ukiormanna ingerlatsiviup pisarinissaa ingerlatsiviup tungaanit pilersaarutaasimavoq, taannalu Ummannamut nassiunneqassalluni, 2023-mi ajornangippat asfaltilersuinissamat piareersimasinnaassalluni. Taamaattorli 2023-mi siunissamullu asfaltilersuinissamat piviusumik pilersaarutissaq suli piareersimanngilaq.

Ataatsimiititaliap kissaatigissappagu ingerlatsivik Upernavimmut nassiunneqarsinnaavoq, ukiormannalu aallartinneqareersumik varmasfaltimik (asfaltimik kissartumik) asfaltilersuisoqarsinnaassalluni. Taamaalisukkut asfaltip kissartup qaavanut inissinnissaa sioqqullugu arsaattarfiup eqqaani ujaraqqanik sanaartukkatut aqqusinermit koldasfaltimut atortussat (bitumenit) patajaallisaatit toqqammavigisassat atornerqarsinnaassapput. Tamatuma saniatigut illoqarfimmi sumiiffinni allani asfaltit putoorsimaneritik iluarsaassinerni annikinnerusuni bitumeni aamma atornerqarsinnaavoq. Taamaalisukkut Ummannami varmasfaltimut atortussanik pisiortornertut Ummannami koruunit 0,6 mio. taakku atornerqassasut inassutigineqarpoq, taamaalilluni tamaani siunissami asfaltilersuinissamat aamma piareersaasoqassammat.

Asfaltimik kissartumik asfaltilersuineq inernerisamik pitsaanerusumik tunisissaaq, aammalu koldasfaltimik asfaltilersuinermit naleqqiullugu m²-ikkaani akikinnerussalluni. Siunissami Upernaviup Ummannallu asfaltilersornissaanut pilersaarutit Upernavimmut ingerlatsiviup nassiunnissaa pillugu aalajangiussaq allannguisanngilaq, ingerlatsivimmi angallattagaavoq, taamaalillunilu illoqarfiit taakku marluk akornanni nuunneqarsinnaalluni.

Ingerlariaqqinnissaq

Upernavimmut asfaltilersuut angallattagaq nassiunneqassappat aasaanerani asfaltilersuineq aallartissaaq. Taamaalilluni ukiumi takkuttussani asfaltilersuinerit atornerqarsinnaasunik misilittagaqalersussaassaaq. Air Greenlandip qulimiguulinnut illup inissiisarfitoqaata (arsaattarfiup eqqaani aqquserngup) aamma maannakkut eqqaavissuup akornanni aqquutaasq ingerlatsivigineqassaaq.

Paasissutissatut ilassut

Paasinarsivoq periafissaqartoq asfaltiliuut angallattagaq ukioq manna Upernaviup Uummannallu akornanni nikisinneqarsinnaasoq. Tamanna isumaqarpoq, periarfissaqartoq illoqarfinni taakkunani asfaltilersuisoqarsinnaanneranik. Asfaltiliuut angallattagaq atorsinnaavoq issikkaluarpalluunniit, taamaasilluni asfaltilersuineri piffissaq sivittorneqarsinnaavoq asfaltilersueriaasitoqqamut sanilliullugu. Taamaasilluni aasaq manna Uummannami asfaltilersuineq naammassineqarsinnaalerpoq.

Aningaasaqarnermi kingunerisinnaasat:

Aningaasaqarnermi kingunerisinnaasaqanngilaq, missingersuutit aalajangiussaareersut iluini asfaltilersuineq pissammat.

Inatsisitigut tunngavigisat:

- Ulloq 27. novembari 2022-mi kommunalbestyrelsip ataatsimiinnera nr. 12
- Tapiliutit ilanngullugit 2018-2030-mut Avannaata Kommunianut kommunip pilersaarutaa
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimut Ataatsimiititaliap aaliangernera:

*Teknikkimut Ataatsimiititaliamut Aqutsisoqarfiup inassutigaa:
Ukiormanna asfaltilersuut angattagaq Upernavimmi atugaassasoq Ataatsimiititaliap akuerissagaa.*

Aaliangerneq:
Inassuteqaat kommunalbestyrelseminut suliassanngorlugu ingerlatinneqassaaq.

Aningaasaqarnermut Ataatsimiititaliap aaliangernera:

Teknikkimut Ataatsimiititaliap Aningaasaqarnermut Ataatsimiititaliamut inassutigaa
Aningaasaqarnermut Ataatsimiititaliaq qulequtaq isummerfingissangaa

Aaliangerneq:
Tunngaviusumik ukioq manna siullertut Upernavimmut tulliatullu Uummannamut asfaltiliuut ingerlanneqassasoq aaliangiunneqarpoq. Aningaasartaanut tunngassuteqartut uani aaqqiinermi Teknikkimut Ataatsimiititaliamut suliassanngorlugu ingerlateqqinneqassaaq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalernerqassasoq

Ilangussat:

Bilag 012-01: Upernavimmi aqqusinnermut pingaarnersiukkamut nunap assinga

Aaliangiineq:

Inassutigineqartoq akuerineqarpoq.

Ataatsimiinneq naammassivoq nal.: 11:44

Atsiorfissaq:

Aqqalu Clasen Jerimiassen (A) _____

Knud Kleemann (A) _____

Minik Høegh-Dam (AT) _____

Palle Jerimiassen (AT) _____

Lena Ravn Davidsen (D) _____

Bendt B. Kristiansen (IA) _____

Jens Ole Nathanielsen (IA) _____

Niels Davidsen (IA) _____

Anthon Frederiksen (N) _____

Jens Napâtok' (N) _____

Ane Qujaukitsoq (S) _____

Elisabeth Nielsen (S) _____

Jens Kristian Therkelsen (S) _____

Jakob Petersen (S) _____

Jørgen Kruse (S) _____

Magrethe Christensen (S) _____

Sakio Fleischer (S) _____